

**Landesbibliothek Oldenburg**

**Digitalisierung von Drucken**

**Dissertatio Exegetico-Critica Exhibens Vindicias  
Integritatis S. Scriptvrae Qvo Ad Locvm Vexatissimvm 2.  
Chron. XXII, 1.2 De Annis Achasiae**

Consentiente Venerando Theologorvm Ordine - A. D. X. Decembris A. R. S.  
MDCCI ... Pro Loco Professionis Theologicae Ordinario Pvblie Defendet

**Lilienthal, Theodor Christoph Lilienthal, Theodor Christoph  
Regiomonti, MDCCL**

**VD18 90565665**

§. XXXII.

**urn:nbn:de:gbv:45:1-15091**

Non omnes quidem Matthaeus in genealogia Christi, quam v. 17. in tres distinguit tesseradecades, enumerat generationes immediatas; siquidem et Iohasum Vsiac parentem ideo omittit, quia in secunda tesseradecade non nisi tales personas nominare voluit, qui tanquam reges reipublicae praefuerunt; id quod de Iohaso non valet, qui nunquam non priuatam egit vitam. Ast ratio tamen esse debet, cur prae aliis potissimum Achasiām Ioasum et Amaziam, Reges immediate sibi succēdentes omitat, quamvis duo posteriores non solum melioris notae fuerint principes, sed etiam alter per XL. alter per XXIX. annos regnum Iudaicum gubernauerint. Hos prae aliis commenmorare debuisset; nisi ob peculiarem rationem, admissio LXX. annorum interallo, silentio praeterire illos voluisset. Sed alia forsan ratio huius silentii dari vix poterit, nisi quod dicti Reges ad Christi genealogiam reuera non pertinent.

## §. XXXII.

Collatis omnibus, quae in hac Dissertatione exposuimus argumentis, sufficienter ut arbitror patebit, nostram de annis Achasiae sententiam, ob insignem probabilitatem suam, caeteris anteferendam esse. Si suas, quod non nego, adhuc habet difficultates; minores tamen erunt, quam quibus laborant reliquae. Ab omnibus sane difficultibus Chronologia sacra libera esse nequit. Latent nos saepenumero peculiares rerum gestarum circumstantiae, quas si sciremus, melius nodos hinc inde occurrentes extricare possemus. Consuetudines prisorum temporum et remotiorum regionum a nostris valde differunt: hinc fieri olim et alibi potuit, quod hodie apud nos fieri non solet. Praeterea Scriptores sacri annos Regibus adsignatos plenos numerare solent, quamvis incepti tantummodo fuerint: quod in collatione annorum regiminis Regum Iudee cum annis Regum Israelis, multum negotii facessit interpretibus; maxime quando initium epochae eiusdem diserte indicatum non est. Licet vero non semper datum nobis sit, in his aliisque id genus circumstantiis, plenariam attingere apodixin; sufficiet tamen probabilitas hermeneutica, qua cum merito eligimus sensum, qui et verbis phrasibusque, et scopo dicentis omnium conuenientissimus est, quamvis suas adhuc habeat difficultates. Et si vel maxime post omnem laborem dubia nonnulla remanerent, quibus resoluendis nos pares non sumus; alii forsan perspicaciores praestare id poterunt. Quis vero ideo sacris litteris corruptionis maculam inurere vellet quia pro exiguo quo pollet ingenii modulo, omnes dispellere nondum valcipebulas? Habent sane ipsae hac difficultates utilitatem suam. Studium scripturas acciunt, et manifestum imbecillitatis nostrae sunt indicium. *Ἐν μέρει γινάσκομεν, καὶ ἐν μέρει προσθένομεν.* 1 Cor. XIII. 9. Studeamus modo, ne rimando circumstantias historiae sacrae accessorias, licet in se utilissimas, et ad retundendam Antiscripturariorum impietatem consideratione dignissimas, dulcem Verbi diuini nucleus negligamus. Ideo enim in primis incorrupta S. Scripturæ tuenda est integritas; vt de reuelata nobis in eadem via salutis plenam obtineamus conuictionem. Opera vero danda est, vt quam integrum habemus voluntatem diuinam, ex integerrimo quoque corde faciamus.

